

羅雪堂先生全集

續編

中



羅振玉著

羅雪堂先生全集

續編

(十七)

臺灣大通書局印行

羅雪堂先生全集續編冊十七目錄

殷禮在斯堂叢書續

遺山新樂府

卷一

六六七一

卷二

六六七三

卷三

六六九一

卷四

六七〇九

卷五

六七二九

跋羅振玉

六七四三

虞山人詩

六七七五

原序

六七七七

卷一

古體雜言

六七七九

卷二

五言絕句

六七九一

六言

六八〇九

卷三 七言 絕句

補遺

六八二五

跋羅振玉

六八七一

塔影園集

六八八一

卷一 文

六八八三

卷二 文

六八八五

卷三 文

六九三一

卷四 文

六九六五

卷五 詩

六九九五

乙丑集

七〇一五

長江凍

七〇三一

思補齋聯句

七〇三三

書齋雜詩八首

七〇三四

哭四家嫂五首

七〇三五

七〇三六

樂枝四首贈別張大

入夏懷張大四首

代某爲李公七十壽

彭節婦詩八首

棗花風

細雨過要趙二過談

擬秋胡詩九首

懷張大四首

送艾圃夫子南征五首

寄沈大四首

古詩三首

八月十五夜對月聯句

夢李長吉作

玉環寶鏡歌

七〇三七

七〇三八

七〇三九

七〇三九

七〇四一

七〇四一

七〇四二

七〇四三

七〇四四

七〇四四

七〇四五

七〇四六

七〇四七

七〇四七

古詩寄張大

七〇四八

瓶中夜蘭香

七〇四八

瓶中蘭贈潘二

七〇四八

海燒

七〇四九

爲張節婦七十壽

七〇五一

盆菊

七〇五一

擬古樂府贈徐六

七〇五二

贈徐七

七〇五二

上鄭少京兆尹五百字

七〇五三

上蔣京兆尹

七〇五四

跋羅振玉

七〇五七

遺山新樂府

東方學會印

遺山先生新樂府

卷第一

水調歌頭十首

少室玉華谷月夕與希顏飲醉中賦此玉華詩老宋洛陽耆英劉几伯壽也劉有二侍妾名萱草芳草吹笛石城瓊壁少室三十六峯之名也

山家釀初熟取醉不論錢清溪留飲三日魚鳥亦欣然見說玉華詩老袖有忘憂萱草牛背穩於船鐵笛久埋沒雅曲竟誰傳坐蒼苔欲亂石臥無眠長松夜半悲嘯笙鶴下遙天天上金堂玉室地下石城瓊壁別有一山川把酒問明月今夕是何年

一一與李長源
遊龍門

灘聲蕩高壁秋氣靜雲林迴頭洛陽城颺塵土一何深前日神光牛背今日春風馬耳因見古人心一笑青山底未受二毛侵問龍門何所似似山陰平生夢想佳處留眼更登臨我有一卮芳酒喚取山花山鳥伴我醉時吟何必絲與竹山水有清音

三編山
夜飲

石壇洗秋露喬木擁蒼烟緱山七月笙鶴曾此上賓天爲問雲間崧少老眼無窮今古大藥幾人傳宇宙一丘土城郭又千年一襟風一片月酒樽前王喬爲汝轟飲留看醉時顛杳杳白

雲青嶂蕩蕩銀河碧落長袖得迴旋舉手謝浮世我是飲中仙

四

興定庚辰六月望予與河南元好問趙郡李獻能同遊玉華谷將登崧前諸利因過少陵祠遂周行鄭廡得古仙人題壁間然其首章直屋漏雨爲所漫剝殆不能辨證水石而上拂拭淫滌追視者久之始可完讀觀其體則格調率則終始二漢字畫在鍾王之間東井又元鼎所都幽州必賢子陵也夫管仲不忘幽州者非吾四鄰尙誰歟田復所事之雖却曹瞞之貧衰俗波蕩中挺挺有烈丈夫語氣其死而不志盡無疑其能道此語亦無疑觀者不當以文體古今之變而疑仙山靈岳宜有園衍博大真人往來其間而世人莫之識也予三人乃今見之夫豈偶然哉再拜留述以附知賢者之末云渾源雷淵題 仙人詞今載於此 夢入雲山宮十秋摩香注處須人求寬劍如成笑刺舟隱繼非無鹿里儒元鼎以來盧峴戶東井徒勞冠帶松餐竹飲度被樓崧頂坐嶺登重鉤祀應慚愧劉幽州

雲山有宮闕浩蕩玉華秋何年鸞鷺同侶清夢入眞游細看詩中元鼎似道區區東井冠帶事崑丘壞壁浣風雨醉墨失蛟虬問詩仙緣底事愧幽州知音定在何許此語爲誰留世外青天明月世上紅塵白日我亦厭囂湫一笑拂衣去崧頂坐垂鉤

五

與欽叔飲時予以同州錄事判官入館司之語 題有脫誤

長安夏秋雨泥潦滿街衢先生閉戶轟飲隣屋厭歌呼慙愧君家兄弟半世相親相愛知我是狂夫禮法略苛細言語任乖疎判司官一囊米五車書騎驢冠蓋叢裏鞍馬避僮奴只有平生親舊歡笑窮年竟日未必古人如酒賤可頻置時爲過吾廬

六

賦德新王丈玉溪溪在嵩前費莊兩山絕勝處也

空濛玉華曉蕭灑石淙秋崧高大有佳處元在玉溪頭翠壁丹崖千丈古木寒藤兩岸村落帶林丘今日好風色可以放吾舟百年來算惟有此翁遊山川邂逅佳客猿鳥亦相留父老鷄豚鄉社兒女籃輿竹几來往亦風流萬事已華髮吾道付滄洲

七
賦三
門津

黃河九天上人鬼瞰重關長風怒捲高浪飛灑日光寒峻似呂梁千仞壯似錢唐八月直下洗塵寰萬象入橫潰依舊一峯閑仰危巢雙鵠過杳難攀人間此險何用萬古祕神姦不用燃犀下照未必飲飛强射有力障狂瀾喚取騎鯨客搥鼓過銀山

八
史館
夜直

形神自相語咄諾汝來前天公生汝何意寧獨有奇偏萬事龕疎潦倒半世棲遲零落甘受衆人憐許汜臥牀下趙壹倚門邊五車書都不博一囊錢長安自古歧路難似上青天鷄黍年年鄉社桃李家家春酒平地有神仙歸去不歸去鼻孔有誰穿

九
新長
壽齋

蒼烟百年木春雨一溪花移居白鹿東崦家具滿樵車舊有黃

牛十角分去聲得山田一曲涼薄了生涯一笑顧兒女今日是山
家簿書叢鈴夜擊鼓晨撾人生一枕春睡辛苦趁蜂衙竹裏
藍田山下草閣百花潭上千古占烟霞更看商於路別有故侯
瓜

十四京汜水
故城登眺

牛羊散平楚落日漢家營龍拏虎擲何處野蔓冑荒城遙想朱
旗西指萬里風雲奔走慘澹五年兵天地入鞭箠毛髮凜威靈
一千年成臯路幾人經長河浩浩東注不盡古今情誰謂麻
池小豎偶解東門長嘯取次論韓彭慷慨一樽酒胸次若爲平

滿江紅十首嶧山中作

天上飛鳥問誰遣東生西沒明鏡裏朝爲青鬢暮爲華髮弱水
蓬萊三萬里夢魂不到金銀闕更幾人能有謝家山飛仙骨
山鳥唳林花發玉杯冷秋雲滑彭殤共一醉不爭毫末鞭石何
年滄海過三山只是樽中物暫放教老子據胡牀邀明月

二內鄉
作

老樹荒臺秋興動悠然獨酌秋也老江山憔悴鬢華先覺人到

中年原易感眼看華屋歸零落算世間惟有醉鄉民平生樂
凌浩蕩觀寥廓月爲燭雲爲幄儘百川都釀不供杯杓身外虛
名將底用古人已錯今尤錯喚野猿山鳥一時歌休休莫

三內鄉牛山亭浮休居士
張芸叟錢厚石刻在焉

江上窪尊人道有浮休遺迹尊俎地江山如畫百年岑寂白鶴
重來城郭在山花山鳥渾相識更與君載酒半山亭追疇昔
人易老時難得歡未減悲還及身前與身後杳無終極一笑何
須留故事千年誰復知今日拚醉來橫臥隴頭雲林間石

四方城商帥國器軍中寄同年李
欽用欽用時爲西臺掾在長安

漢水方城今古道幾回投迹留滯久浩歌狂醉此心誰識渭北
清光搖草樹故人對酒應相憶記雨窓相對話離憂秋風夕
風月笛烟霞展身易老時難得鳥飛天不盡野春平碧我夢秦
東亭上飲舉頭但見長安日便與君重結入關期明年必

五送希顏之
官徐州

元鼎詩仙知音少喜君留迹還有恨故山飛去石城瓊壁萬里
征西天有意四方問舍今何日便金虬飛去解移文知無及

淮海地雲雷夕自不負鬢如戟望幕中談笑隱如劼敵此老何堪承掾事佳時但要江山筆向楚王臺上酒酣時須相憶

六

畫戟清香誰得似韋郎詩筆還又見從容車騎得州

得州縣是神州張本作徐州

西

北竹馬兒童應有語使君姓字人人識是往時曾護國西門金湯壁 千日醉三更席事已去尋無迹對暮涼燈火悵然如失萬里功名知未免中年離別尤堪惜恨洛陽風雨暗旌旗空相憶

七

枕上吳山隱隱見宮眉脩碧人好在斷腸渾似畫圖相識羅襪塵香來有信玉簫聲遠尋無迹恨不將春色醉仙桃迷芳席嬋娟月韶華日夢已盡愁仍積江花共江草幾時終極錦樹吹殘胡蝶老冰綃翦破鴛鴦隻拚楚雲湘雨一生休休相憶

八

一枕餘醒厭厭共相思無力人語定小窓風雨暮寒岑寂繡被留歡香未減錦書封淚紅猶濕問寸腸能著幾多愁朝還夕

春草遠春江碧雲暗澹花狼籍更柳綿閑颺柳絲難織入夢終
疑神女賦寫情除是文通筆恨伯勞東去燕西飛空相憶

九 再過水南新添
添二字依原本後同

問柳尋花津橋路年年寒節佳麗地梁園池館洛陽城關白鶴
重來人換世淒涼一樹梅花發記水南昨暮賞春回今華髮
金縷唱龍香撥雲液煖瓊杯滑料羈愁千種不禁掀豁老眼只
供他日淚春風竟是誰家物恨馬頭明月更多情尋常缺

十 三泉醉飲
新添

桃李漫山風日暖朝來開徹東溪上落花流水暮春三月一片
花飛春意減有花堪折君須折恨百年春事短長亭忽忽別
金縷唱金焦基 金焦基經視
本但金焦基 休直待芳華歇到綠陰青子只供愁絕
坐上常看樽有酒鏡中莫管頭如雪料醉來人說次公狂從渠
說

念奴嬌二首

欽叔飲用避吳太華經
項有書見招因爲賦此

雲間太華笑蒼然塵世眞成何物玉井蓮開花十丈獨立蒼龍
絕壁九點齊州一盃滄海半落天山雪中原逐鹿定知誰是雄

傑 我夢黃鵠移書洪崖招隱逸興尊中發箭筈天門飛不到
落日旌旗明滅華屋生存丘山零落幾換青青髮人間休問浩
歌且醉明月

二 飲渾源岳神
仙會新添

小山招隱恨還丹不到人間豪傑南渡衣冠多盛集蕭灑蘭亭
三月陶冶襟靈留連光景觴詠今無復黃墟雖近老懷空感存
沒 誰辦八表神遊古來登覽此日俱湮滅天景雲光搖醉眼
興在珠宮瑤闕布席崧臺脫巾石壁散我蕭蕭髮短歌悲慨海
濤響振林樾

永遇樂

絕壁孤雲冷泉高竹茅舍相望留滯三年相思千里歸夢風烟
上天公老大依然兒戲困我世間羈鞅此身似扁舟一葉浩浩
拍天風浪 中臺黃散官倉紅腐換得塵容俗狀枕上哦詩夢
中得句笑了還惆悵可憐滿鏡星星白髮中有利名千丈問何
時有酒如川自歌自放

摸魚兒五首

正月二十七日予與希顏陪馮內翰文遊龍母潭韓吏部釣於龍潭遇雷事見天封題名
卽此地也既歸宿于近潭田舍翁家是夜雷雨大作望潭中火光如燭明日旁近雷龍起

大槐中父老云正月龍起前此未見也龍潭寺南窪尊馮丈所名

笑青山不解留客林丘夜半掀舉蕭蕭暮景千山雪銀箭忽傳
飛雨還記否又恐似龍潭垂釣風雷怒山人良苦料只爲三年
長安道上來與浣塵土清陰渡渺渺風烟杖屨名山元有佳
處山僧乞去聲我溪南地十里瘦藤高樹私自語更須問窪尊此
日誰賓主朝來蒼暮去紫山烏山花前歌後舞從我醉鄉路原本無君

案二字山鳥上有要字今依殘選本

一達捕雁者乙丑歲赴試井州道逢捕雁者云今日獲一雁殺之矣其脫網者悲鳴不能去竟自投于地而死予因買得之葬之汾水之上累石爲識號曰雁丘時同行者多爲賦詩予亦有賦詩予亦有賦辭舊所作無宮闕今爲改定

恨人間情是何物直教生死相許天南地北雙飛客老翅幾回
寒暑歡樂趣離別苦是中更有癡兒女君應有語渺萬里層雲
千山暮景隻影爲誰去橫汾路寂寞當年簫鼓荒烟依舊平
楚招魂楚些何嗟及山鬼自啼風雨天也妬未信與鶯兒燕子
俱黃土千秋萬古爲留待騷人狂歌痛飲來訪雁丘處

三泰和中大名民家小兒女有以私情不如意赴水者官爲踪迹之無見也其後踏藕者得二尸水中衣服仍可驗其事乃白是歲此故荷花開無不並蒂者沁水梁國用時爲錄事判官爲李用章內翰言如此曲以樂府雙蓮怨命綺組五色之縵芝香生九蕝燕三危之瑞露美動七情韓偓香奩集中自敘語